

風徽伯張安道真人乩著

鬼
神
語

救世新教總會發行

鬼神語目錄

姚姬傳真人弁言

陳序

- 甲 神鬼情狀
- 乙 神之憑依
- 丙 鬼之氣質
- 丁 人鬼一體
- 戊 人鬼靈光
- 己 善魂惡魄
- 庚 鬼之元素
- 辛 人鬼地點
- 壬 鬼之存在
- 癸 鬼之視線

鬼神語 目錄

年 6 月 18 日

精、平

名

月

A 70809

927054

子 人之靈魂

丑 靈魂消長

寅 神鬼分量

卯 鬼之行動

辰 鬼之經歷

巳 人鬼相接

午 鬼之發現

未 鬼神特質

申 鬼神特能

酉 鬼之能力

戌 鬼之平居

亥 鬼之等級

附錄 救世新教入教規則及入教變通辦法

鬼神語弁言

民國以來。人民之入陰復生。種種果報。已見之佛學撮要一刊。皆確實要事。多有證據。或其人尙存者。天堂地獄。絲毫不爽。閉目返原。即見那邊種種。開目還世。即見這邊種種。絕無中立之地。若能中立地。不見兩邊種種者。即是佛法。應如是住。如是降伏其心。即中諦旨。無兩邊性也。儒者所謂渾然太極而無極。其不見兩邊之功。蓋同也。道惟玄。耶惟天。回惟淨。無所擾耳。不然則人無學生世。雖夢寐亦勞頓煩惱。而弗得一時之清明。可不懼哉。故碩儒年老必立命。高僧歲晚必定禪。仕宦末年必歸佛與道。蓋皆爲去世後。立於中境。而不落於兩邊者也。爲之者亦多矣。得之者恒什一二。而不求佛道。翻得之。如吾等者。則反多於求之者。何也。蓋一有所爲而爲之。一無所爲而爲之故也。天地之理。自然之道也。非可以名要。以智取之也。是故爲佛而能得佛之真。可以脫兩邊矣。爲儒而能得儒之真。可以脫兩邊矣。爲道而能得道之真。可以脫兩邊矣。爲回爲耶。而能得回與耶之真。可以脫兩邊矣。至其中則佛也。儒也。道也。回與耶也。莫不皆得於斯境。而莫能外焉。此凡人之所宜盡也。非夫聖哲佛子教主天帝天之高而不可得也。

深溝萬丈。兩邊六道。濛濛然。冥冥然。莫知所底。敢有失足者乎。慎哉。念之。寤寐莫忘也。使吾不死。安得知此。縱知亦安敢斷言之如是也。然言之雖切。恐世人猶冥冥置之也。可慨哉。民國十三年甲子八月十八日姚鼎降筆

鬼神語序

鬼神之說。由來久矣。易言精氣爲物。遊魂爲變。是故知鬼神之情狀。孔子言。鬼神之爲德。其盛矣乎。視之而弗見。聽之而弗聞。體物而不可遺。韓愈言。漠然無形與聲者。鬼之常也。有忤於天。有違於民。有爽於物。逆於倫。而感於氣。於是乎鬼託於形。憑於聲。以應之。而下殃禍焉。晉阮瞻與客言鬼神。客作色曰。僕便是鬼。變爲異形。須臾消滅。齊范縝著神滅論。以爲形亡而神豈在。沈約難之。著神不滅論。以確證神靈之所在。史稱神滅論出。朝野誼譁。已可概見。近世哲學發達。如英人萊德氏倡人格不變說。謂吾人之所謂我。原具有唯一性格。繼續存在。而不可變滅者。於有記憶力徵之。否則一念既遺之後。宜渺然無着矣。此觸起而重提之者。誰耶。卽吾精神中實有一主觀主體之存在。不隨餘物以俱遺也。是可表明吾人性格之統一焉。美人寨本斯李著成人論。漢譯本名人學。其言曰。大凡人皆有主觀之我。與客觀之我。其客觀的非我之我。刹那刹那。變遷以去。至七八十歲時。身上所有之原質。迥非其童稚時之所有。而其間常能保持一物焉。曰同一之我。八十老翁圍爐。與其子孫談叙幼年間事。歷歷無殊於目前。此卽其最

顯之證。此物無以名之。名之曰靈魂。若客觀之我。則靈魂暫棲之逆旅而已。醫學家希波格臘底。確定腦爲靈魂之府。生理解剖學者笛卡兒氏。且指定靈魂在小松子腺。卽居腦之中央。新柏拉圖派之伯洛提奴氏。謂魂爲抽象的。在肉體內。不如實質之物。居有定所。塞本斯李亦謂靈魂之真際。不可限以久暫。不可限以尺寸。英人克里佛德著心素論。謂物皆有生氣。有靈魂。而柏拉圖統論人身有三要素。一曰體。二曰魂。三曰真靈性。三者非一非異。和合成人。生趣流轉。與善惡果報之端。息息相通。人於今世生活卑劣。皆由其前生墜落之所致。能積漸修復。猶可進卑劣於高等。若執迷不悟。愈趨愈遠。人道既盡。且將淪入於禽畜。此論實與中國儒書作善降祥。作不善降殃諸說。不謀而合也。夫拍照而得鬼神之影。還陽而借他人之屍。或因案對質。攝赴冥間。或因病離魂。歷遊他處。種種事實。常見常聞。而投輪轉生者。每能道前生及後生事。先伯倫基公之因果。其一例也。清同治乙丑秋八月。先伯夢遇數十人追之。有以刀刺其背者。詰其故。曰子前生爲臬司。折獄未得其平。吾儕蒙不白之冤。今來索償。翌日先伯跌於路。背受傷而腫。腫處卽夢中被刺之處。醫者以刀剖之。卒以是捐館舍。當易簀時。有鬼神附

身言冥事甚悉。以先伯孝行可嘉。敬天地。禮神明。持齋誦經。免到陰司受苦。即日投生。且言先伯前世爲臬司。轉爲鼓山和尚。再生我家。本年三月初十日。投生本邑南後街米肆主人爲子。其母舅寓上街。名王松浦。但週歲而殤。再轉生於某家。彌月而殤。又投於黃巷某家。始克成人。前後六世。歷歷言之。並謂先祖亨衢公是年七月任仙遊縣學教諭。等語。是年三月初十日。先伯棄世。彼所稱之肆主人。是日適舉一男。其母舅確爲王松浦。七月先祖奉命任仙遊縣學教諭。明年三月肆主人之男果殤。此事吾族人無不知之。又世傳素誦經咒。臨難可免。吾家亦有可述者。清咸豐辛酉十二月初八日。髮匪陷汀州府。先祖任連城縣學教諭。適赴汀郡送考。與連城縣學訓導何君同寓。匪破門入。何被害。轉向先祖室。先祖見血涔涔。從刀下。恐將爲何之續。默念太上老君。文昌帝君。武聖帝君聖號。乃有僞千夫長吳大哥者。追踪至。禁勿殺人。出三角旗。授先祖。囑持此。候於城內某處京果舖。逾七日。吳出旅費。遣先祖。更遣一匪護送出境。途中遇一老叟同行。歷三晝夜。至小瓜張老人家。而老叟忽然不見。嗣汀郡克復。得回任。路過某廟。見所供神像酷似同行三晝夜之老叟。詢之。知爲孚佑帝君。始信臨難得生。皆神

聖所佑護。然亦先祖每日跪誦太上感應篇。文昌帝君陰騭文。武聖帝君覺世經。終身不輟。爲人行事。悉遵三聖訓。有以致之。先祖知匪多脅從。思有以救之。而救先祖之吳大哥。亦求先祖救之。屬先祖稟陳道府。出榜招安。准其自首。免罪。遞解回籍。先祖力請於汀漳龍道張詮慶。汀州府知府胡肇智。因是存活無算。又余於光緒甲辰正月某日黎明。聞前院哭聲沸騰。起而視之。寂然無聲。逾三日。某之子殤於是焉。民國丙辰十月某夜。余夢對鄰有人畫地爲界。謂將有火災。翌日果然。其地與所夢正符。然後知鬼神式憑。洵凜凜可懼也。余性好靈學。而於悟善社靈學要誌。所刊張風徽伯鬼神語以科學之文字。闡靈學之理由。尤爲心折。深慨世衰道微。競尙詭譎。人民之智識漸啓。斯世界之變故益繁。道德不足維持之。法律不足防範之。遂不得不發明鬼神之真相。而以救救濟之。故居今之日。欲變今之俗。非宗教不爲功。然使人民信仰宗教。必先使人民知有鬼神。特錄鬼神語若干篇。所望讀者慎十日所視。十手所指之戒。存如在其上。如在左右之思。勿謂鬼神渺茫難據。日趨於光明正大之途。則雖人也。猶之乎神也。聖也。仙佛也。又何鬼之足云。民國十四年乙丑六月天貺節閩侯陳承烈悟息謹序。

張風徽伯鬼神語

甲 神鬼情狀

鬼神之理。於佛道二家見之爲最多。而儒者罕有道者。論語子路問事鬼神。子曰。未能事人。焉能事鬼。問死。曰。未知生。焉知死。然則事鬼神。與夫欲知死。且爲死計者。可以知所用力矣。鬼神只是天地屈伸之氣。要當作平常看。莫作希奇觀。人之居世。動作云爲。皆是鬼神之顯著者。孔子曰。鬼神之爲德。其盛矣乎。視之而弗見。聽之而弗聞。體物而不可遺。人能於此不見不聞之際。戒慎恐懼。則與鬼神之道。不大相遠矣。人欲敬鬼神乎。曷由此際尋之。鬼神有理而無質。有氣而無形。其無質無形者。常也。其或有質有形者。變也。鬼神之變。實由乎人。人能循其常理。則鬼神亦安其常分。故無質無形焉。人若變亂不常。則鬼神亦隨之而變。乃於是怪異興焉。邪崇見焉。豈鬼神之自動耶。事因人耳。傳曰。妖由人興。此之謂矣。鄭將內亂而龍鬪。周將衰微而杜伯見形。李林甫將死。元狐見庭。賈似道將敗。黑首當階。其餘載在史冊。不可勝數。人欲避鬼神之變。須先各守其常理。安於常職。不然。無由得也。鬼神一氣而異理。鬼之理屈。神較伸矣。屈由生前之

業緣。伸由修行之積成。此理氣合一之事也。諸人欲避鬼而趨神者。須知之。鬼在陰暗處爲最多。人能常行德善諸事。則氣如陽春。鬼安敢不避之乎。若自己先陰險不測。是其氣已與鬼爲鄰矣。又安能久乎。鬼陰氣也。則管鬼之神。亦陰氣也。人能修行。則元氣漸返乎陽。故能超出輪迴之外。其次則莫如陰隲。陰隲爲人所不知。己所獨知。其氣屬乎陰。人死後。萬事帶不去。以萬事皆陽耳。惟陰險與陰隲隨身。以其氣陰耳。人若欲預爲死計。非修行則陰隲捨此固無由有好處也。此皆天地之至理。人自不察耳。鬼在冥間。是何等情景。汝等知否。（侍立者答以不知）汝等人也。宜其不知。鬼之不知人。猶人之不知鬼。然有特別之人能知鬼。卽有特別之鬼能知人。亦有人而鬼也。能知鬼。鬼而人也。能知人。汝等自思。曾幾何時。而變爲人。又曾幾何時。而不變爲鬼耶。剎那間事耳。今爲汝等言鬼狀。汝等預自擇之可也。吾之初死也。覺痛苦非常。既而冥冥然若無知。既而蘊蘊然覺欲動。既卽嶽嶽然如有重負。蓋伏地不得少動者。不知經若干時。方覺玄關一竅。豁然頓開一線電光。直透九霄。噫。余固得道者。其死也猶如斯之難而且苦。常觀凡人死後。業重者伏地不起。經數十年。隨入泥犁。所謂地獄之苦耳。蓋死後其

身必重。是由其人平生所造之業致然。業陰氣也。其勢屈。死後陽氣已盡。惟有此陰氣。屈之使伏於地而已。業重者伏久。而入於地者深。業淺者時短。而易超昇。人之在世。所以爲惡不覺其屈者。以有陽氣助之也。死則能力雖過人。亦難逃矣。無他。氣使之然耳。汝等若能積德累仁。修行不替。死後陽光射注眼前。有萬盞金燈相引。身輕自由。不受前苦矣。此皆實驗之事理。非同漫說因果者比也。

乙 神之憑依

神者示申也。天地間無論何事何物。凡爲大化所申張。而存乎氣質之間者。莫不有神。中庸曰。體物而不可遺。蓋此氣上存於天。下存於地。中存於人。明存於禮樂。幽存於果報。正之存於德政。怪之存於靈奇。無形者神也。而有形者亦神。靈奇者神也。而中常者亦神。世俗但知靈奇之神。而不知中常之神。但知天地之神。而不知人之神。但知以幽怪無形。求夫空中獨立之神。而不知以明正有形。求夫一身附合之神。故往往愈求神。而失神愈遠。寧詎知神在身中。佛在心頭。若能明正誠敬。以求此身中心頭者。則與天空獨立之神不相遠矣。天空之神。聰明正直者也。凡吾身心之不聰明不正直者。必力

求之使合焉。天空之神。道高德備者也。凡吾心身之道不充。德不固者。必力修之而使合焉。誠能盡此人心之神。則天空之神。自來昭格。自來渾合。因人心之神。與天空之神。原是天地申張之氣。一氣呵成。同源共本。那裏有點區別。只因人爲私欲所牽。失其本來申張之氣。真神日即日昏。日去日遠。故卒離神而入鬼。變申而爲屈。若果常守其申。常強其神。自然妙化無窮。即人即神。孟子所謂大而化之之謂聖。聖而不可知之之謂神。易所謂大人者與天地合其德。與日月合其明。與鬼神合其吉凶。先天而天弗違。後天而奉天時者。豈非人神之明證乎。

丙 鬼之氣質

鬼在空氣中。亦爲一種氣體。但其氣以酸素窒素爲多。其見於廁所墳墓者。即窒素之明證。其見於夜間而發燐光者。即酸素相合之明證。當時以不含炭素者爲多。若稍含炭素。則見形矣。此皆就近世物理學而證得之也。鬼能行空者。必有積德。有德之人。死後其氣清。其累淺。故能隨天氣而上升。然其上升之度數。亦以其積德之度數爲正比例。確可以算學考求者也。若其人並無積德。惟有業緣。則氣質重濁。理想昏沉。千纏萬

縛。常與地氣下降。業重者永墮泥犁。故世有升天堂入地獄之說。實則皆其氣質理想之自取耳。其造業之度數。亦與其下墮之度數爲正比例。算學上亦可以明瞭之確定而預知。至於無德無業之鬼。在空氣中不能獨立。必附物而後存。故此種鬼多隨死隨轉耳。神者何。即鬼有絕大積德。最高升度。因得親近天德。而受天職焉。此皆可由人做到者。但要積此算學上之差數而已。人可不勉哉。

自註。此節所言甚確。可發新學家之深省。

丁 人鬼一體

鬼爲人之餘氣。其說固是。然止看得這半截。至於前半截的道理。却不知道。要明白這全段。還是論語聖人對子路說的最確。曰未能事人。可知鬼神即存乎人。曰未知生。可知死即生之終。聖人以直道真理告子路。蓋即原始反終之義也。後儒不達。以爲聖人不告謬矣。以此而論。死固生之終。而生亦死之終也。鬼固爲人之餘氣。而人亦鬼之餘形也。知人爲鬼之餘形。則所以事鬼神。及所以自修者。益瞭然矣。鬼因人而得。神由鬼而成。上等修持者。雖由人而致。終必經過鬼之階級。不過時間極短而已。因此故無論

何人。皆當打點做鬼的這件事。你說怎樣打點。難道離了這個善字還能行麼。唉。世界上人那個能不爲鬼。吾惟見其打點生時名利。不見有一個打點這件事者。豈不哀哉。鬼之一物。只人便是。莫要一併當作死後物件看。只現在汝將精神養得強固。將慈善事做得極盡。時時反光內視。煉成一個純陽之氣。這當下便是個完鬼。剎那頃。便可了盡塵緣。到死後自然由這個完鬼體格。一躍爲神。原只是一件事。要汝等當下見得真。做得到。不能見不能做。止當下便是個苦鬼。甚者生陷禍患。死入地獄。即使平庸無甚大惡。而不悟本來。死後終不免於輪迴之苦。人人難免。人人不爲。豈不哀哉。即人即鬼。確有實證。你們作人的。試問若辦一件善事。當下便覺心中舒服快樂。若辦一件惡事。當下心中便覺憂悶難受。即使以惡爲能等輩。樂於爲惡。畢竟辦畢後。心中纏擾不了。這都是什麼緣由呢。只因人人心中有個真魂。不容他自己瞞昧耳。儒家所謂天命至善之性。道家所謂人各有三尸神在人體中。司察善惡。佛家所謂真如元體之魂。耶教所謂人人皆有上帝所付之真魂。凡此一覺苦樂之際。即是人之鬼魂完全作用也。故曰。即人即鬼。人能預修此時之鬼。則將來脫離軀殼時。自然成一善德之鬼。便是成真。

之功也。

戊 人鬼靈光

鬼之光較人稍短。此就有善業者而言。若善業漸深。則其光亦漸高。倘有救民保國之大勳。則在世光必有三丈以上之焰。及其死也。靈氣煥發。其光焰又必過於生前。此由鬼成神之事理。非可以常鬼之光律之矣。人能濟物利民。光焰必日見其長。將有爲神之一日。絕非虛言。若縱欲長惡。則光日削縮。色亦灰澌。漸無所謂光矣。其死後祇爲黑氣數尺之鬼身而已。人可不勉哉。凡人皆不免爲鬼。惜鮮有計及於鬼者。試問諸子能不爲鬼乎。轉瞬卽屈。爾時雖欲自拔。無其力矣。蓋人在世。力能爲善。濟人卽以自濟。死後便無自濟之能力。鬼常托人。代爲誦經作福。卽無力自濟之證也。諸子趁此剎那時。尙在世爲人。有此爲善能力。便當急起直追。速盡力爲之。凡此無非教諸子爲作鬼時預留餘步也。人在世之日少。而作鬼之時多。亟宜以鬼之事業。爲永久事業。而詳慎圖之。聖人云。死者君子息焉。小人伏焉。可見息與伏之時甚多。但息則必有行之之時。伏則屈而難伸之象。聖賢言死事。如此明晰。諸子可不猛省哉。此皆爲人說法。卽爲鬼

說法。鬼即人之後步也。人人皆有此後步。即人人皆當勉之。

已 善魂惡魄

人在世時。魂與魄合。故善惡參半。其所爲善者。魂之司也。所爲惡者。魄之司也。死後則魂魄分。然非實分爲二也。不過就其生時善惡之量數。爲其死後分得之比數。若善則分得魂多。惡則分得魄多。魂陽而魄陰。魂有知而魄無知。魂能獨立。而魄鮮能之。普通人死後。多分多數之魄。故陰濁而少知覺。與自動力。易於銷沈。若分得魂時。雖死而餘陽不散。常有知覺。能自由活動。因其人本有善行。死後餘善團結。善之性屬陽明。同氣相招。則大氣中之陽氣。漸與其餘氣相結。而成獨立完全之魂。故能經久不散也。凡此鬼魂。謂之自然仙道。如忠孝節義。詩文善士等人。未嘗修持。皆得長存者。屬此種。其修持者。須節節用功。以減去魄之分量。方能長存。謂之修行仙道。故人能爲大善。與數十百年苦修者同功。而能分得此最多數之魂。且並以同氣故。取得天地無限之陽氣。以增益其漸消之魂。以是爲最捷近之道。而世人少爲善者。是真愚矣。吾上所言。皆係確實事理。恐人不能知其實際。故不憚贅明言之。使知所趨避也。然已洩幽明之機矣。汝

等其各勉之哉。

庚 鬼之元素

鬼之元素略分三種。(一)生人的餘氣。凡人初死。生氣未盡。與大氣中之一種游氣。(即莊子所謂野馬者)結合而成。(二)物質的變體。由人死後。其窒素與炭素與大氣中之窒炭素化合而成。(三)心理的餘響。由人死後。其觀念所繫注之餘意。與大氣中之物質。或氣體凝結而成。鬼既屬此數種。惟其化合此數種。而全具此資格者甚少。若全具。即漸具獨立之資格。再加生前善德。死後皈依。便可爲神。蓋此數種。惟心理爲最要。忠孝節義之人。其生時心志堅定。即於死後觀念。毫無所移。故堅定凝結。自然結成一種獨立不倚常存不壞之氣。與人之在世無少殊異。而得自由遊行於天地間。或受天爵爲神。或因夙緣未了。欲盡其素志。而復轉人身。又極惡極凶之人。其生前心志亦堅結。死後亦由此種觀念之反響。入於地獄中。不可超脫。必由此種觀念消除淨盡後。其地獄之反響。始無效用焉。又緇黃高真。丹士煉徒。其心志所趨。有不至不已之概。故死後觀念所結。終詣蓬萊瑤池。而獲證果焉。如吾即是也。夫鬼之要素既如此。汝

等欲爲將來計者。可不善自造作此要素乎。至於佛則無此要素。故能常存而無牽累。汝等若能除去此要素。即又善之善矣。惟佛之所以無者。與世之蔑然泯滅者又異。汝等不可不深辨之。

辛 人鬼地點

鬼與人之地點問題。頗複雜。今略說可以告明。而不漏天機者數種如下。人常處於日月光明之世界。故目之所見者。無論真假。而爲衆人所公認無毫髮異者。即指爲真世界。鬼之所處將在此人所指定之真世界否。或以鬼乃人之餘氣。當其未死時。心目中所有觀念之餘影。發爲境界。或以人病將死。神經散亂。幻成虛境。或以人死後。因生理上腦膜之印影。隨氣盡之反射力。現其平生所歷廟觀鬼神之形狀。食息起居形像。而以爲閻君冥市之境界。以上所度。未嘗非是。然皆係人病時之現像。故其形想。皆不能離乎人之生理。及心理學上之範圍。而絕非死後鬼魂之真境界。鬼之真境。完全脫離人身生理心理學上之關係。但鬼之存在。與其能力。不能脫離之耳。蓋鬼之真境。與魚之在水。焯之在火。斷非外界生物所能知。人死不能復生。故不能舉以告人。即有例外

復生。或憑乩以告者。皆因學問不足以明之。或不能洩漏天機。故終不大明於世也。今略說之。鬼與人同處於一世界。其分界常若有一微膜相隔者。實在因鬼之視線與其目光。完全與人之視綫及目光。成反比例。此普通之境界也。若鬼在陽世。善行多。修持勤。則此比例之差數爲少減。即所見陰霾之景稍淡。光明之界稍多。其進於此者。境亦進於陽明。故同此日月也。人見爲紅輪。鬼見爲黑團。同此山川也。人見爲清景。鬼見爲黃沙。此人鬼視線不同之大概也。

壬 鬼之存在

人於生時。須亟做死後的眼光。是在修德行仁。並不用奇工異術也。因人眼光。乃先天一點靈光所寄。先天靈光。則是元陽純仁的渾然真體。人能用儒家克己的工夫。釋家戒律的能力。日忘日去。自然人欲淨盡。天理常存。少一分人欲。即少一分陰霾之境。多一分天理。即多一分陽明之樂。德成仁至。則湛然太虛。煥然八極。是何等眼光。何等受用。此等最簡至便之法。何苦不肯做去。直待死後眼光墜地。萬重黑幕。永劫難出。方知苦惱。豈不晚乎。否則必須修煉金丹。返光還氣。苦熬千年。那是容易的嗎。噫。比上天差

不多。人何不克己修德耶。鬼居地下者。亦分水火風數種。水中。世人所謂黃泉。寒冽異常。陰霾亦不得覩天日。浮沉飄泊。時與業波相上下。陰浪相往還。磷影熒熒然。即鬼之所存也。居火中者。皆愆忿業海中人。平生所作。己之氣體。燥焰常蒸。入地後。與地體中火質火石熱岩之一部分相吸合。而不得不居於此。此地乃地球近表之第三層。世人所謂地球熱力層也。其熱度常較陽世三倍。無論鬼陰濕氣體。即人亦所不能勝。惟其鬼既有慾火忿熱。故能支持。然歷三四年後。非經轉地轉輪。則亦同歸於燼矣。居風界者。皆極貪酷悖厲之鬼。平生暴虐無辜。或侵害鄉鄰。其氣質常爲奮迅激蕩。死後以同氣吸合之因。故入風地。風界乃地球近表第四層。世人所謂固體間隙之氣體層也。此處最動蕩激烈。常掀播傾側。擊軋澎湃。有聲轟轟然如雷如潮。鬼居此者。晝夜欹嵌。逐颼隨霧。或蕩析萬縷。或縮爲微塵。與風沙相磨歷。固無光之可言。更無目之作用矣。前所說諸處。皆屬自然地獄。蓋因其人平生所造。死後其鬼自然入於此等處居住。受用此等折磨也。鬼之境界。大略如上所述。今特指示鬼在人間發現之地之關係。此等處爲人所最宜注意者。否則於生命有莫大之危險。蓋陰陽殊途。人每不能見鬼所處之

地。然可以物質上。空氣上。種種特徵而推測以證明之。如幾何學上推論演繹法而得確實之結果也。今先就物質上言鬼之真體發現地點。當有化學上何種元素最多。並缺少何種元素。現代不少化學家。可以推測法證明此問題。吾今先明言其一隅。以爲元理。待學者就此推證。而以三隅反焉。蓋天機甚嚴。不敢盡洩也。學人自得其真。方爲無罪。鬼之真體發現時。其地點絕對缺少酸素。卽舊云養氣。蓋酸素屬陽。爲萬物生活機緣之氣體。鬼陰氣也。其平時在陰界。亦每含有少數之酸素。爲相對的減少。至人間與生人較。其氣體存在之地點。爲絕對缺少酸素也。學者當由此推證。凡無酸素之地。不過五分鐘。必有真鬼發現。人若不慎。必死無疑。惟鬼仙與有善業之鬼。或生前曾經修煉之鬼。其發現地。尙含有少量之酸素。因其陽光不減故也。就上原理推證。則凡可以物體證明無酸素之處。便當謹避。酸素爲燃料。凡燈火不燃之地。是無酸素。酸素爲發光體。凡光線不生之地。是無酸素。無酸素卽有真鬼發現。真鬼者真陰之精氣也。固非必赤髮青面之謂也。此節所論鬼之處所。其無酸素。係指地面接近人境言。非謂鬼身也。與前言鬼之元素意義不同。又空氣上特徵。凡地面上氣體之盈聚或流行。雖

未必皆鬼。而鬼之存在。要即寓乎其中。世所謂羊角風。亦名旋風者。舊說謂鬼神。新說謂空氣縈迴。及地之吸力。與大風之氣壓所成。雖屬多是。而不知鬼之發現。亦在此。要不可不精密以研究之也。凡遇有最大之羊角風。如在多風之地。或陰霾之時。或有山嶺村樹阻障之地。其爲自然界之現象。固也。若係晴明無阻障之地。而發現者。定爲鬼之存在。又地面吸力。係其地質太鬆。或熱力過度。與減少之關係。其氣壓則由陰霾之氣。流入元陽之地而生。若考求其地質。或用陰晴度測其溫度。無大懸殊。卽爲鬼之存在無疑矣。然鬼所在處。其溫度亦每稍低。大約較常度低至五度。及至八度。由是推測。凡高低逾十度以上者。當是自然界上之氣壓力所致。否卽鬼之發現也。人見旋風時。總以避去爲是。庶不致生理上受危險也。

癸 鬼之視線

鬼之視線。與其在生之善業強弱。爲正比例。多一分善業。卽眼光強勝一分。其稍善者。能見陽世城郭市廛。再進能見人物。再進能聞人之言語。再進能識人之休咎。若善業極厚。佛經通徹。或道功精密。則死後湛然超然。無論人世之過去未來。卽三十三天幽

冥水藏修羅大千。皆能洞曠。較生前不啻天壤矣。凡在與人同處之地點。皆屬無甚重大惡業之鬼類。若有惡業。其地點即在地下。世人所謂九泉是也。此等處望之青沙。茫茫昏黑無所覩。但聞哀號悲啼。風輪火機之聲。蓋皆諸鬼生前所造之業力。世人所謂十八層地獄是也。其間亦有無罪居住之陰村。然皆黑暗。皆慘絕。非人世景象。冥王及各有司分居其上層。而十殿則在海底。與此地通屬。至陽世亦有冥官。借有司衙署行事者。有在神廟判案者。有於深山絕谷理獄者。皆係初死之鬼。或其人尙在陽世。或係物妖人魅。皆在此等處。大抵皆初殿所轄者也。人之目光。所以不能見鬼者。因人內秉天地之仁德。外受太陽之熱氣。習磨既久。遂不能見陰界之物體。世有夜視目能見鬼。或大病後能見鬼。皆因目中光線失去其原有之仁陽。與太陽之感觸故也。知此。則知人能修德行仁。日造詣於光明正大之域。則陰鬼自遠矣。世間瘟疫流行。半由陰鬼依人作祟。因人先失其陽明故也。鬼不附屬人體。鮮能自行遠行者。故防瘟疫時。斷絕交通。鬼亦罕有至者。但慮人自失其陽明耳。善之爲否。實又關於身體物質之實事。固非僅報應之虛談也。鬼之所處。在人世者十分之六。在水界者十分之二。在陰界者十分

之一。在火界者十分之一。惟水火陰界。多屬有重罪之鬼。其平居或藉以修行者甚少。至理事之官吏。亦鬼爲之。間有尊神蒞治。或陽世生魂爲之者。

子 人之靈魂

人之精靈。現於心而貯於腦。當其生活盛時。神經充足。腦液厚積。氣血所在。而精神即寓焉。魂者何。即此腦海精神上之一點最精粹之靈光是也。謂之靈魂。謂之人之電光。謂之以脫。皆此耳。此靈魂雖貯於腦。現於心。以氣血之力量而生活。然實特具一等獨立不倚性質。蓋因人之心腦。稟受天地至善之性能。與其父母之遺傳的德性。是以無論肉體上情感上如何有虧損。而此性能毫不隨之而俱虧。因之靈魂上得二大原理。一靈魂不隨肉體氣血而增減。惟肉體氣血虧極時。失去其肉體生活上之部分。而氣體電能性能上之生活部分。依然存在。一肉體氣血上之非性能的發育。反足以虧損其靈魂。如人身體極肥盛時。若使其人無高尚自主之德性。而或耽於嗜欲。耽於飲食。雖其所爲。皆所以增進其氣血。而其氣血愈盛。德性能力。愈不足以領率之。即往往致成癱瘓之病。身體不仁。而靈魂即隨之減去其生活上之部分矣。又如人最羸弱。身雖

骨立。而其人精神與神經。必倍於肥盛之人。因其德性足以統率其最少數之氣血故也。以故人能爲善。增益其精神上之德性。則靈魂日強。即氣血衰亡。肉體不存。而此獨立之靈魂。反致十分輕健。屹然常存也。

丑 靈魂消長

靈魂之消長。其根據雖不離肉體。而其最要樞紐。實以道德的精神。爲唯一之元素。倘無此種精神以統率之。雖肉體十分發展盛旺。反足以累害靈魂。蓋因無道德的氣血。其發展盡係魄體之作用。魄盛則魂衰。理所必然也。癱麻昏瘖不仁諸病。其氣血甚盛。皆緣斯耳。由是推之。凡人精神有一半屬於後天的。即由肉體氣血所生之精神。上貯於腦者是。然此等後天的。當爲附屬的。而其根本上別有全體先天的精神。隱爲其主宰。此主宰由受生之初。秉天地至正之理。父母至純之性。於囟地一聲時。即注於最高部之腦中。及至生長發展。藉氣血之營衛。神經之聯絡。至智識生焉。德性現焉。人能求學。常明此智識。潛此德性。則靈光日啓。根基日固。迨至老死。此種靈光。由腦部透泥丸而出。即最完全之靈魂也。視此靈魂之程度等差。或爲神。或爲佛。或爲仙。最下者亦不

失爲鬼仙。或由學行而歸閬苑。或由道德而歸造化。所謂全受全歸者矣。若主生理肉體之說。人生後一任其生活。而不啓潛其先天的德性。則所有氣血。盡趨於慾利之途。即使純樸不鑿。而靈光日爲氣質所範圍。即日盛一日。不過笨長其濁魄上之資格而已。迨至老死。其靈魂甚微。而魄極盛。魂盡則降。安得不夷爲鬼。受地獄之拘束。下焉者且因魄之重累。墮落泥犁。或因肉體以俱盡。而無復靈魂之餘焉。知是則人於生時務須啓潛其德性。以主張道德上的精神。爲他日計也。而所以啓潛之者。即由道家之內功與外功。內功重腦。外功修心。內外交養。未有不脫鬼籍。而超爲神仙者。亘古如斯。爲人者可不勉哉。生人氣魄不爲鬼。肉體不爲鬼。精神不爲鬼。心思不爲鬼。而鬼則又不能離乎此數者。蓋分則非是。乃其用與質也。合又非是。乃其人也。然則鬼者其在此不分不合之間乎。鬼乃人之餘氣。然既言餘矣。餘無久存之理。所餘者一經消滅。則鬼即不能存在明矣。鬼爲人之影子。然既言影矣。影無獨立之理。其影一經消滅。則鬼即不存在又明矣。然則鬼者果何物。因何質而成。何理以致。諸子學道有年。望各舉所知以對。

謹按此段鬼神語宣畢後。吳仙示云。風微伯先師以此問題與諸子解釋鬼神之理研究精蘊。以促靈魂學問之進步。故命各舉所知以對。同人等均以鬼神之理至幽且微。無敢下筆者。嗣奉

諭悟淡君文采哲理極好。請卽作一篇。蓋鬼神語。每期必須續出。而續出必須接續。此次人所作之文也。於是王君乃勉交一卷。謹附於後。

附王君悟淡鬼神語一則

有物焉。先天地而生。天地滅而是未嘗滅也。麗夫身以存。身朽而是不朽也。斯爲何。曰靈。目之能視。耳之能聽。口之能言。心之能思。手之能捉。足之能奔。斯爲何。曰靈。楞嚴經佛告波斯匿王。汝知爾身滅時。身中亦有不滅者乎。不滅者何。靈也。靈也者。虛靈寂定。妙淨圓明。彌六合而不大。納芥子而不微。在凡愚而無滅。在聖佛而無增者也。靈之識。泯業淨。湛然常寂者。則佛。業淨而識未泯者。則仙。業識俱存。麗夫軀體者。則人。鬼者。靈之不麗夫軀體。而業識俱存者也。鬼之爲靈也。昭昭。著於經。書於史。雜出散見於諸子百家之書。然言其何理以致。何質以成者。則鮮。惟楞嚴言之至詳。楞

嚴佛言凡人臨命終時。未捨煖觸。一生善惡。俱時頓現。若純想即飛。必生天上。心開見佛。隨願往生。若情少想多。即爲飛仙。遊於四天。所去無礙。情想均等。不飛不墜。生於世間。斯爲人類。情多想少。流入橫生。重爲毛羣。輕爲羽族。純情即沉入阿鼻獄。隨所造業。受諸慘報。報盡罪畢。受諸鬼形。據是以言。則鬼乃人類造業。命終報盡。而受形以成者也。楞嚴又言。鬼所憑依。或物。或風。或蟲。或氣。或衰。或精。或幽。或明。則其托質。似亦非一。要之鬼與聖佛仙人。其同爲靈則一。惟其有分別事識。故非佛。惟其未淨。往劫業因。故非仙。惟其不麗。夫地水風火四大和合之幻軀。故非人。亦如是而已矣。

寅 神鬼分量

神與鬼分量不同。神之量合。鬼之量分。蓋鬼受魄之限制者多。惟魄屬陰。爲數頗多。謬云三魂六魄是也。因魄受精穀而成。故其前後爲數不一。人於夢時受魔。或見魔妖者。實多係自己魂量過度。致起陰氣。掩厄陽神之作用。人死後即由此魄連帶關係。遂不得不分而化爲鬼魔。故多受陰司之裁制。而入地獄。至於神則不然。神由修煉。或生前

美德。故陽氣常結聚爲一體。故曰合也。人欲死後魂魄不分。免墮泥犁。必先修煉。或積累善德。始可望也。

卯 鬼之行動

鬼在人世行動之狀況。不可不知。知之卽於靈學有莫大之研究。有莫大之利用。其程度可以數學爲代數上微分上之方程式表明之。其性質與能力。可以由物理學與真空學上之規則表明之。惟現在尙未至實驗期間。吾但說明其理論。略示其程式。俟人世學者。趨勢發展後。自可依吾所造之原理與公式。成其數學上物理學上之實驗功用。爾時方知吾言爲事實的。而非理想的。今言鬼在人世之行動。蓋鬼無外乎氣。不過其氣屬陰。在代數上爲負號性質。無形相。無作爲。其行動時。可以物理學上之電學喻之。天地間無論何物。均莫能逃此電之存在。惟有導體與不導體之別而已。鬼之行動。卽電之導體之最速者也。蓋電在空氣中。行動爲最速。而鬼者乃一種負數之陰電。其行動較人世普通所用之電力差速。爲五與三之比。凡此皆言自由之鬼之行動程度也。若稍有罪過。卽不能如此程度。蓋鬼有一分罪孽。卽有一分遲重。重力相壓制。而減

少其自由之行動力焉。行時似風非風。似電非電。惟如一種氣機之發現而已。非可以言語形容也。惟以電表明之。爲少近耳。鬼之交通。以無線電求之爲最切。蓋其體一動。即能達於數千里外。凡無罪之鬼與鬼仙皆然。今將其方程式表之如下。 > 等於鬼之行動原電力。 □ 等於每句鐘之數。 ○ 等於所經過之里數。 × 等於其行動之速度。計之則 $\frac{1}{2} \times \frac{1}{2} \times \frac{1}{2}$ 者。乃電學上電所行於空氣中之平均速率。而加以五分之三之速率。爲鬼之行動之率。更合計而爲 $\frac{1}{2}$ 。復用現時里數。□ 時數。□ 以求之。即得現時鬼之速率 \times 矣。此爲最簡易之程式。至其詳尙有別式在。後表明之。

馮仙跋 近歲言鬼理者頗多。而其實在處。未有能言之者。惟張風徽伯發前聖之所未發。詳述其狀態。復以近世科學證明之。誠難得之寶鑑矣。靈魂學者。由此以尋求而研究之。則天人之奧。陰陽之秘。將由此而大放光明也。豈不盛哉。豈不盛哉。卽以此爲本節之跋語。

前言鬼之地界與存在尙有數種。茲即鬼之行動與經過以明之。鬼之存在既不一。而其行動亦各殊。大抵分爲上中下三類。普通之鬼。存在人間者。又分新舊之別。新鬼被攝。有無拘束入冥者。被攝之鬼。實爲大造中一種吸收能力所拘取。俗所謂勾命鬼使是。蓋是鬼即生於此種能力中。論其理不必定有斯鬼。而論其事。則實有此鬼。如陽世間設官分職。既設斯官職。卽以此等人充之。而人之所以能行事。全賴此官職固有之權勢耳。此等鬼使亦然。卽完全由於大造之吸收能力。以行其職權也。人之初被攝而爲鬼也。覺有一種最激烈之大壓力。由足部發生。其氣極促。行一部分。則一部漸爲沉麻。沉麻後。卽已無知。及至腹部。更覺遲迴。每經一臟。必備經其相生尅之況味。如腎屬水。味鹹。要有烈火如焚之概。繼之如長江大河橫流而不可止。而其味由甘而大鹹。於是腎遂絕矣。五臟被吸攝時。類皆如此。惟至心經。則必將其一生之觀念。一一反現於腦中。善卽恬然。惡則各以其類呈種種之苦況。非一時所能了。亦非言語所能喻。漸而由最終結時。此最烈之壓力。循腦脊主要神經系上。轟然迸出。善者卽少伏而起。如蠅蟲之蠕蠕然。漸而飛動。由攝者順此種能力之軌道以往。向氣運平均處。卽俗所謂閻

羅殿也。蓋此處爲陰陽界權衡之中樞。凡普通人及生物。皆必須經由此處。如物之受衡量然。各使得其平焉。鬼必經過此處者。如物理學上氣壓。必趨於低度之氣壓也。經此能力攝收。受此中樞裁判。遂各依其當歸宿之路徑而去。俗所謂六道輪迴是也。善者與善多惡少者。經行蓋如此。至於惡者與惡多善少者。一經腦部迸出後。即嗒然墜入地下。層層覆壓。如繭纏牢不可脫墜一分。此種激烈之壓力加重一分。漸亦繞至前所謂中樞處。受其科罰。應入何等地獄。各依其本身所具之各種孽力所拘束。而由此大造自然之能力所吸引。二者之力點相合。以歸於應歸宿之地。俗所謂十八層地獄是也。

巳 人鬼相接

今言鬼與人相接之關係。大凡陽人旺盛時。不易與之相接。氣衰運乖時。或遇之。而普通人以夢中遇之者爲最多。而人之夢有真幻二種。以幻夢爲尤多。與鬼相接時。必由真夢。蓋人寢息後。神魂統一。一點真靈。透於腦上。約二三寸。此靈即宛然真我。能觀能聽。其所遇之鬼或仙。又有化境真境二種。化境者鬼或仙所在之地。或經其變化而成。

之地點。人靈見伊時。或於己室中。或遙覩之。或曲折行入其室。而以將見時爲有徵。已見時則同狀。將去時亦有徵。將見時人身必覺一悚。蓋陰陽初接也。臨現則必先發火光烘然。蓋陰陽既接而爆發也。火光卽由人之靈體爆出。旺盛及有道德者。其火光最大。往往有火光大發多時。而終不見現形者。蓋道德甚高。身體甚旺。無纖微之間隙。故鬼不得乘而現。且不得與之相接。爲時既稍久。鬼不勝陽氣。遂遠遜也。人因終無所見。但微覺驚悚耳。常人於火光現後。卽見如人之常形。談笑舉止。亦無大異。每將其應訴之事。或相暗告者。亦有寓言告之者。或以舉動服色示其意。事畢。卽隱或去。而將隱與去時。必仍現火光。蓋陰氣所侵召。自己陽氣之部位。恢復原狀。陽光遂又一現耳。去後。已靈若勞後初息。若有負初釋時狀態也。凡此皆人鬼相接之真者。此係自然相遇。若鬼往覓人。或人欲見其已故之先人及親屬。則別有法則手續焉。鬼之與人相接。除夢寐外。尙有數種。卽普通與特別二者。普通與人相接時。大抵由人之精神心念上。爲其路徑。必因其人尪羸。或心有鬱悶。與痴迷。或疑畏等想像。鬼於此時遂得乘之而加入焉。在人初由精神上接受鬼氣時。必有最微隱之徵驗數種。甲種卽與鬼接時。其人心

中必覺一沉。是外來之氣襲入人之陽氣中。此陽氣一翕斂時。自己之魂與魄相交。而讓外來之陰氣。故發見心沉之感覺也。乙種即由其人神思正鬱悶時。忽發動加重分量之鬱悶。怒與哀及繫念等思想。忽亦加重其程度。而心覺微滯時。即亦爲鬼來相襲。是因鬼爲陰魄。其性極暴厲駁偏。而不正不和。故必乘人七情偏駁時而入。及既入。人之情感亦愈加重。而因受鬼陰悍粗擴之氣。故入人心中。覺漸澁不開也。丙種爲因人之痴情。或愚鈍遂入之者。是時人必感受一種極黯淡幽昧之觸覺。心中驟現出無知識之意思。而惟鬼之意是向。蓋人受鬼陰霾之氣。遽失其知覺。遂而發見此最痴且愚之狀態。如其人思家。或念某事物時。其心中已無轉折之思想。惟是人是物之觀念。現於腦中。然是人是物。非真像也。是卽鬼所憑藉而利用之思想也。人昧不知。遂因之殞命受病者多矣。凡此數種。皆普通例也。皆在白晝人叢中。即能感受之。以其無形與聲也。而靈學又不明。故多不識爲鬼病。而東西洋皆以此種爲精神病。或神經系衰敗。其實居自然精神病者。十不過二三。而感受鬼氣者。常什六七也。惟鬼必乘人之心念不正。或精神衰敗時而入。若夫有道有德之士。心常敦正。念無邪僻。浩然之氣。塞乎兩間。

鬼神望而却步。又何邪崇之有耶。故惟聖賢能爲無鬼之論。世人自須修德行仁。以固元神。否則乘之者正多。固不獨鬼物爲患也。吾近見京都爲鬼索命而死者極夥。可以指數。惟吾等不肯直斥人非。故暫從缺。人若持躬不慎。則往往感受前章所謂普通例者之病。豈必青面赤髮見於前。而後方謂之鬼乎。世可以知所檢矣。近人心理學研究頗精。若再進而參以靈魂哲學。則吾說自明矣。百年後。必有與吾說不期而合者。汝等姑先從此研求。則爲將來之亞里斯多得矣。勉之。

午 鬼之發現

鬼於初發現之狀態。前已略言。而在一種固定地點之亡鬼。及一種地行鬼仙之發現。則與前略異。此種鬼與精靈。因地以助其行動。地面即爲其一種附麗品。而地表之空氣。則爲其傳導體之物質。其發現原因有二。一因此鬼在生時。居住是地。或園亭房屋中。死時亦終於是。其有籍貫當死者。即爲所司拘取以去。而在是固定者。皆屬強死。或客魂。強死則魄墜是地。其靈魂常拘拘不能離去。非遇超拔。莫得脫。其現也。因人居其上。則陽氣相逼而不寧。故不得不發露其形。一因一種鬼魂。在地中修行有進。而苦無

元陽。必藉人之呼息時。採取元氣。故亦由地發現。此二種發現時必有微徵。(甲)有一種酸素先發。然後炭窒二素繼發。故此時居人所燃之燈燭。忽一明。後即縮小發暗綠色也。(乙)有一種氣體。先侵入人之膚。或心中覺微悚者。由是鬼之本體。由地面漸漸升起。衝入人之幃帳。是時人即覺有涼氣侵肌。若睡時即現夢魘。而爲所侵取矣。故人惟有修德正己以避之。亂世大兵大疫後。此種現象至多。若係仇敵。鮮有能幸免者。此所謂凶宅中惡死者。皆此類也。人苟欲防之亦有術。用人尿穢物。洒牀周圍。即不復現。甚者用婦人月信壓之立效。然人須爲善以固己本耳。凡鬼物最畏惡上述之物。雷火鬼使皆避之。蓋陰陽之門。機輪之隙也。惟須以德爲主。而以術爲輔。不然則鬼神終巧於人。必有奇離不可防者。故舍修德行仁外。無避惡邪厲疫之必勝法也。

未 鬼神特質

鬼神之出處與行動既明。其所具有特質者。例如新死之鬼。或冤氣結成之鬼。左氏子產所稱。其取精多。用物宏。故能爲厲者。周幽王遇杜伯。齊襄公見大豕。呂后輜道。逢犬擊腋皆是也。此等鬼厲。實皆能獨立行動。白日殺怨家。蓋已訴之於天。又奉准者。至犬

羊虎殺人。若晉書齊梁書所云者。皆冤魂附物以行其報也。此又次者。總之人不可妄害人。害則必報。除國家以正義用兵用刑外。必報。然將帥多殺。刑官失入。亦皆有其應得之報。因羣冤不散。文書不滅。氣機不移故也。若平人不因正義殺人。即遇事如落井下石。或陷之。或排之。使失其生活以死者。是魂非訴於冥間。亦即結爲冤厲。以求必報之也。而在今世詭詐風起。以謀害排殺爲常見。於是冥中獨重此刑。或許其報以奇禍。若詳查諸官僚。及各省人民因此死者甚多。前如某督某軍長。近如某軍官等。不可勝數。皆在此報中也。舍此等鬼外。有顯聖之神祇。然非遇非常之事。如護佑聖賢。如江河決漫。則百年不遇。而在普通之神與鬼。雖有神之降乩。與鬼之索食等事。神與鬼亦絕對不能獨立。現出形像與行動。蓋乩則依人。餒則憑人與物以行之耳。此外無論黑夜日中。皆無一神一鬼之現象與動作。人非惡人。自若觸冷氣熱氣以自動者。皆病也。非神經之變化。即腦膜之過傷。文人與經營家多犯之。而乩壇扶員久侍者。尤易犯之。以上所述。皆鬼神之特質也。今文明國常主無鬼論。以信有鬼神爲迷信。蓋不知普通鬼神之理也。夫子曰。視弗見。聽弗聞。不可遺者。正言如是之鬼神耳。以如是故。有同於無。

今日諸惡人。則不可以語此矣。而最文明國。所以主無鬼者。以其不見有鬼。蓋其國法平。人無被冤者。故鬼常入於輪迴。或以信耶教而上升。而卒不得見一鬼耳。若歐洲大戰後。其鬼之奇離。見於記載者亦甚夥。能終持其無鬼論乎。故無鬼者。天地之常道也。人不得見耳。有鬼者。天地之變道也。人得而見之耳。

申 鬼神特能

前屆鬼神語。至鬼之實現境界。已言其理。蓋鬼無特別因緣與能力。不得實現於人之世界。且雖在人之世界。亦不能入於人之視線。因其間有大小微顯之差別。非普通人目光線所可接受者。莊子所謂小視大不盡。大視小不明。此比例數雖近代極多倍之。顯微望遠等鏡。亦斷難窺。無他質異與因差二種關係之故耳。惟透澈三教人。能見其氣狀。是明其因之故也。亦惟修行已成之人。能知其情態。是澈其質之故也。有此資格。方得見知於鬼神。否則非怪厲即奇冤。由前所謂引導與感接而觀者。多出於凶惡人。苟逢之。非積惡受報。即天罰地譴。斷難倖免。如此類者。近世尤多。惟人不肯自播耳。試觀佛學入門報應近錄諸新記載。亦皆層疊紛沓不可勝數。非實事而何。故天地神祇

之警凶覺頑。行乎其所不得行者。固未嘗一日少間斷也。乃執迷肆慾者流。以目所未覩爲無有。亦以物質文明之故。而一概抹煞之。夫固不知鬼神之情狀。爲原始反終之精神的文明。與實際之價值者也。而所有物質上之迷點。如前人所謂雨露雷霆爲神力。今人忽自覺悟。爲自然界之變化而已。乃終不思自然界變化之所以然。及所由來之理。是可謂夢中覺夢。終不知其夢也。陰符經曰。知神之神。而不知不神之所以神。近人多以物質文明故。知神之神矣。而實則未知不神之所以神也。與吾中國古代哲學較。尙未能及陰符經之一語也。故人於其所不知。不可斷然判定明矣。今世人道日偷。詐僞日啓。皆因看得絕無鬼神所致耳。雖有一二明哲識道之士。與言下諦易解之報應。而人亦以爲僞託。噫。世道人心之至於如此。良可慨已。是鬼神實際之有不容已於言者也。

酉 鬼之能力

鬼之普通能力。與特別能力。分爲二大種類。是有關於人事。不可不知。鬼之普通能力。大都爲其智識。與其惡性力所拘囿。而常淪陷於苦寂不自由之境也。蓋此等鬼。生時

爲人。不學無識。不知萬化由我之原理。但習於世間名利。及宗教上之粗談。久之。行爲既惡。陰氣晦霾。正大之道理。不復存於心念。其死也。陰重之壓力。侵其固有之性靈。因之惛然懵然。無所知依。亦莫知所解。一本其食色之微識。以求所欲。而因惡性多數之原因。致爲造化之壓力所拘制。惡輕者受壓力亦輕。惡重者受壓力亦重。是時司鬼之神。卽由此鬼本來性靈中發現。而因其鬼之宗教觀念上如何。而異其神之狀態。或擗擗嚴厲。或威重詰責。或靄然和悅。或靜默不語。或懲獎吩示。各因其鬼之所自念。而現於前。故鬼於此時。懵無所主。若陷囹圄。可謂絕無能力。足以支持。或抵抗解脫者。然實則天地寬闊。有何制裁。皆由其鬼之在世惡業所吸引。而隨爲陰陽之良能所壓迫。因其所造。而各殊其狀。殊其苦。而形形色色。生於念者。現於前矣。然使鬼於是時。忽爾有知。生一極大極切之善念。必誓力行。則此時現前之狀態。與身受之苦惱。立即改變。故佛書所謂皈依懺悔。則刀山立空。奈河立涸。卽此理也。佛豈作誑語哉。然必此鬼誠心。無絲毫僞假。始效。爲念佛可免災。以念佛則已向善故也。若空念佛萬遍。何益耶。或曰。此理微處。不可使世人知之。知卽無畏念。地獄立空。奈何。是不知道造力神力故也。造力

者。其鬼爲人時。所造之善。或惡。死後此力堅隨於身。而制裁之。此種力量極大。不可或免。或假也。譬有惡人。知陰陽之真理。死後硬心無畏。不自動念。以抵神力。則此時是鬼。雖具是念。無如纔動是念。而其在生之造力隨身者。已勃然與之俱動。隨即不覺慄然。冰雪在背。明鏡當前也。如是而畏念生。於是現狀變。于是而制裁之痛苦至。故曰。不可假也。神力則爲天地造化之一種持平力量。是力常彌漫于陰陽兩大之間。在陽寄於人。司法爲政者是也。在陰寄於神。冥君冥官是也。常以最平之衡量。司其鬼之善或惡。以施其升降苦樂之賞罰焉。故鬼之能力。只有懺悔爲善一種。最爲大且勁也。舍此之外。更別無他能。足以解免或抵抗神力。與其造力者。是爲未及于鬼之爲人者。所當切實注意。以早自修持。勉力善行。以免異日之橫被摧殘也。夫鬼乃人所必不能免之路。而人每不計及。嘗見陰風中。痛哭追悔。夫又何及。嗟嗟百年必至。況已過若干時。尙賸幾多時耶。轉瞬即屆。可不預爲之所哉。

戊 鬼之平居

鬼之平居能力。以意想與氣體二種。爲其原動力。鬼無罪過。以特別原因。住冥間。或陽

世之攻墓時。亦有飲食男女如生人。惟人所需用乃物質的。寔可舉措。而鬼則異是。鬼之糧。由冥司由其祿餘。或陰祿以支配之。何謂祿餘。因其在生時。應得若干祿食。迫于病。及消耗過度而折去者。遂不及此原數而即死。冥司科其過後。以往冥之期。計而授之。如其所餘之數者。謂之祿餘。何謂陰祿。因其在生時。樽節儉樸。費用極廉。所省得之數。與夫其人爲善濟人。及放焰口。敬祀神明。多焚紙箔者。其所濟所放所焚之數。皆存于冥司。大者上案行文。施行來世果報。餘皆計以爲住冥期間之祿食。謂之陰祿。鬼有以上所述二種應得之祿。然後生其鬼體上思想之能力。因之所思想之物品。而遂實現於前。而飲食需用之。其程度低者不能自然發見。亦如人世。必先現於造飲食者。或買賣之者。而後得。要之總由于思想。與原數之氣體。然鬼亦不能隨意。思想得過奢之數。如人然。適如其量而止。人若妄取。必有後災。以抵其入。鬼亦然。妄取。立即生火焰。焚燒其所有。較人更速。惟大位之冥官與天神仙靈。能由其功德所獲來之無量數。以隨意思。想得種種珍奇。不可思議之飲食。與夫需要品。所謂神仙寶物與仙筵仙果者。半由於此。亦半由先天所生成。或名山仙境特產之物。不得謂爲空虛也。即由思想所得。

之物品。皆由原來氣數所生。皆實在有其形質。經思想後。卽宛然發現。如世間物品矣。惟物之虛實美惡程度。胥視其爲仙爲神爲鬼之別。而殊其等。若鬼之無罪過者。其所得陰祿或祿餘。亦實在美好。次者即須仰給於他鬼。如人之工商然。其最下之鬼。餘幸在身。雖有微祿。而貧於思想能力。爲原數所拘。無法可想。如人之貧。百計無一法者。語曰。福至心靈。福去心鈍。爲鬼亦然。皆氣數使然。以所造各異故也。此等鬼。既不能由思想得之。因乞於他鬼以爲活。亦如人世之乞丐者然。人與鬼皆惡憎之。惟生人乞丐。回心向善。勤儉自持。數年之後。可免乞丐。爲能自存。而鬼則較人爲速。然其效非至誠且實不發生。若乞鬼。一旦有善念由衷而生。誠且篤。恨不能立行之時。即于是時立生出所欲得之物。或欲見之人與神。或由大火當前烘然。化其當前之境。一變而爲他好境。或巨浸。忽翻入不測。因而投生一天。皆由鬼窮極念真。感而動於實事。故數亦與以自新之路。俾其爲善造福也。故冥間與陽世皆數爲主。而官司不過承行於一時耳。不能更易增減之也。而數則由人與鬼之所自造。鬼神之能。皆生於是理也。人豈可不亟自修造其數哉。

亥 鬼之等級

鬼在特別因緣中。且有特別能力。如前所述。固已。而普通一般之鬼則不然。其能力恒爲其生時知識習慣所限制。如陽世細民。恒爲細民也。細民爲農賈工役者。恒謂吾生應如是也。乃沿爲習慣。故農之子恒爲農。賈之子恒爲賈。工之子。役之子。恒爲工役也。苟使農賈之人。進而爲士人之行。或干謁官府。或上書朝廷。則農賈之人。口疇足躡而不敢爲也。無他。知與習限之也。今鬼亦正同。生前有大智慧。大教化。大學問。知造化之本原。陰陽之機能。常以善行養成其浩然之本體。則歿後脫離肉體之羈絆。騰飛青空。直達帝所矣。此儒家所以全受全歸者也。道仙佛家。亦各以其智慧善行。各至其所當至之處。而不復下經冥司。惟普通之鬼。歿後爲其生前惡業所壓制。此時雖離肉體之累。而其惡業之大壓力。適於是人絕氣之時。發生效力。爲累蓋有甚於肉體也。冥間種種刑罰。皆其惡業爲之。載在前篇。茲不復贅。鬼於所應得罪。或賞外。依例留氣於冥間。此時其一般能力。僅由其生前知習。能思想少許飲食住息。如前述外。而鬼之行事與舉動。則與高等上中等兩級者異。高等時能駕丈餘高度之黑雲。往還冥境。作文書與

稽核諸事。上中等亦能踏五六尺之烟霧。自由逍遙於冥境中。此二者皆恒與冥神通接。如陽世士人大商然。普通鬼之能力不及此。居者行者。身短盈陽尺二以上。三以下。其足恒矮於冥地面。如埋者然。蠕蠕跋涉。極其艱苦。此皆罪厲爲之也。其上者去地面僅數寸耳。而此等鬼。在陽世則或能離地一尺餘也。惟陽世絕少見之耳。其行事能力。則僅能如鴟鵂號叫嗚嗚者之聲。以相接達及交換。而痴笨鈍重之窘狀。殆十倍於鄉曲愚魯之人類矣。此其大略也。

姚真人註 吾代述此。實爲平生所罕。吾生不談神怪。尊宋儒故也。然天地之間。實有其事。亦學理學者所難卒諱也。爰希世人鑒諸。勿自墮入爲幸耳。鼎贅。

鬼神語 完

附錄

救世新教入教規則

- 第一條 入教者先須明白本教宗旨發具信心並須發願奉行本教堅誠不退
- 第二條 入教者以得本教教士一人介紹爲限
- 第三條 入教者先按左列規定辦理
 - 一 填註履歷姓名單及介紹書
 - 二 呈請願書
 - 三 呈誓願表
 - 四 親偕介紹人至會呈明來由
- 第四條 按前條規定辦理無誤後由執事引至神堂照左列規定行入教禮
 - 一 向神宣誓
 - 二 懺悔
 - 三 受戒

四 受名

五 行答謝禮

六 向教統及各尊長行相見禮

第五條 前二條各表冊式樣及應行禮節儀注另定之

第六條 如未遵前二條辦理完備經所司審查認為合格者不得入教但有真誠者仍得許其下次呈請

第七條 入教者稱為教士應遵照左列規定敬謹奉行

一 應嚴守教中信律戒律及德規

二 遵守教中一切法規

三 請求指授修持並勤習之

四 量力助納善業款或教務款

五 竭力推行教化

六 隨時贊助教中公益

七 隨時勸導戚友入教并勸誘助納善款

八 隨時婉勸教外人民發揚教義

第八條 凡入本教後遵照前條積德累功者得享受左列各種利益

一 懺解以前罪業因果減免惡報

二 積功德感格天神得享福報

三 得以內功明道固靈以至成真

四 得研精至理增進智慧得大神通

五 得超生真境不墮下界并得以此功德超度先靈

六 得以福報詒延後身或其子孫

七 得享受賞律各賞

八 得以功德垂于後世名譽播于久遠

以上各種利益凡有誠信皈依之士積累功行日久不退神明保護皆得成就凡有所求如願而償其能志心真道參證真理聖賢仙佛皆可幾及惟在己之誠信

不二而已

第九條 教士如不遵照本規則違悖教中法規者照罰律嚴重處分

第十條 本規則如有未盡得增改之

以上入教規則十條凡教士入教時先令之讀過然後交與介紹書請願書誓願表令其填寫簽字蓋章請願書存卷誓願表爲二聯一焚化一存卷俟表冊填寫如式後交所司呈教統或督教領教閱核無誤或即日或異日舉行入教禮節屆時由司禮者率領至神前按入教禮節行禮宣表并行受戒禮由教師授與戒律信律各一份使之讀不識字以白話代之由教師講一遍然後問其能遵行否答能時後授以德規十款亦問之如前答後始授名列籍然後由司禮者引見教統分支會則見督教領教由教統督教領教重申戒語令其遵照規則習認修持何門及告以何日開講何日受課之課程表然後引出此定禮也其種種表冊書式及禮節手續可制定一律不得參差凡經理此事各職皆須至誠至敬有德有道者爲之不可令年輕者充之也

救世新教總會入教變通辦法

一、按照入教規則第三條四項親偕介紹人至會呈明來由等語茲爲便利各省人士入教起見得委託介紹人或代表者到會行入教禮但請願書誓願表受戒規條均須本人簽字蓋章

二、按照入教規則第四條三項受戒與行入教禮同時舉行茲爲入教者實行戒律信律及德規起見予以研究時間凡入教者得先入教後受戒或同日一併行禮或異日分別行禮各從其便

三、以上入教變通辦法凡國內外之救世新教分會支會或臨時支會均得適用之
附受戒規條

德規十款

一敬天 二孝親 三去欲 四博愛 五勉勤慎 六主誠信 七重公知忍 八崇實尙讓 九修持二功 一因果 二性命 十皈依三大 一皈依教 二皈依道 三皈依真

信律五款

一 崇信神道 二 敬信本教 三 堅信因果 四 篤信修持 五 遵信德規

戒律十五款

一 戒不敬 二 戒不孝 三 戒淫 四 戒暴殺 五 戒瞋怒 六 戒貪 七 戒盜竊
八 戒詐僞 九 戒驕奢 十 戒狂妄 十一 戒姦私 十二 戒怠惰 十三 戒違法
十四 戒背道 十五 戒背教

以上規律各款自受戒日起永遠遵守

入教規則

四十四

中華民國十五年

四年

乙丑六月初版

丙寅正月再版
二月三版



編輯者

北京悟善總社

發行者

救世新教總會

北京宣武門內

半壁街東夾道

印刷者

和濟印刷局

彰儀門大街

書籍出版廣告

救世新教教綱教法教義兩大冊大洋一元

靈學要誌第一卷第二卷第三卷每卷各十二冊大洋四元每冊大洋四角

張風徽伯鬼神語一大冊大洋三角

以上書籍如因節省婚嫁壽辰宴會戲劇之資或捐款躉購百部以上贈送親友者
書價從廉

先天渾元玄玄祕錄救世真經全部附玄玄真理圖玄玄真經問答各一卷每部連史

紙十元毛邊紙五元但已購靈學要誌全份者均按八折收費

孚佑帝君易說刻成木版每部六大冊大洋二元外省加郵費二角

凡本京購閱者請向本會本社接洽電話南局二千二百三十號外省訂購者請將
書價郵滙立即照寄

北京悟善總社
救世新教總會 啓